



MEMORIA XUSTIFICATIVA DO ACORDO DE COLABORACIÓN ENTRE A AXENCIA TURISMO DE GALICIA, O ENTE PÚBLICO PORTOS DE GALICIA E A SECRETARÍA XERAL DA PRESIDENCIA PARA A PROMOCIÓN E DESENVOLVEMENTO DO TURISMO E ACTIVIDADES NAUTICAS

O Director de Portos de Galicia ao abeiro do artigo 15 da Lei 6/2017, de 12 de decembro, de Portos de Galicia declara e formula a seguinte memoria do convenio asinado coa Axencia de Turismo de Galicia e a Secretaria Xeral da Presidencia arriba referenciado, xa extinguido, xa que o período de vixencia era ata o 31 de decembro de 2016. O instrumento convencional ten o obxecto e razóns que se expoñen de continuación.

1. Antecedentes e razóns de oportunidade

A Axencia Turismo de Galicia, en virtude do disposto no artigo 9 do Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, é o órgano da Xunta de Galicia ao que lle corresponde o impulso e execución da política turística da Xunta de Galicia en relación coa promoción da calidade e innovación, o desenvolvemento, mellora, información e difusión do sector turístico galego, potenciando a devandita oferta, mediante a difusión do produto turístico da Comunidade galega.

Que a Axencia Turismo de Galicia dentro das funcións que ten encomendadas está a de promocionar Galicia como destino turístico, sendo un dos seus recursos o Turismo Náutico.

Portos de Galicia dotado de personalidade xurídica e patrimonio propio, ten encomendadas as competencias de planificación, construción, explotación, conservación e avance dos 122 portos dependentes, da Xunta de Galicia.

Portos de Galicia, como xestor por mandato da Xunta de Galicia dos portos da competencia da Comunidade Autónoma, ten a obriga institucional de promover a explotación dos mesmos e das instalacións para a náutica deportiva.

En canto ao que se refire ao sector náutico o ente público Portos de Galicia estaba a potenciar a industria náutica, a creación de novas instalacións náutico deportivas nos diversos portos do litoral galego e, directa ou indirectamente, xestiona na actualidade 25 instalacións náuticas cun total de mais de 8.000 prazas de atraque.

Ao longo dos seus 1.720 quilómetros de costa, a nosa Comunidade Autónoma conta con 122 portos. Deles, a Xunta de Galicia, a través da entidade pública Portos de Galicia, adscrito á Consellería do Mar, xestiona directamente 122. Os outros 6, de maior dimensión e de interese xeral do Estado, dependen do Ministerio de Fomento e son xestionados por cinco Autoridades Portuarias: Vigo, Marín, Vilagarcía, A Coruña e Ferrol-San Cibrao.

Que segundo o previsto no artigo 30 do Decreto 196/2012, do 27 de setembro, a Axencia Turismo Galicia financiarase, entre outros, mediante transferencias consignadas nos orzamentos xerais da Comunidade Autónoma.

Tendo en conta o anterior e con base no principio de coordinación administrativa e unidade de acción que debe presidir a actuación dos órganos administrativos da Xunta de Galicia, conscientes da importancia de divulgar, presentar e promocionar as instalacións



náutico recreativas e dado o interese común e obxectivos coincidentes, as partes intervenientes manifestan a súa vontade de colaboración no desenvolvemento deste proxecto e estaban interesadas na sinatura do convenio xa asinado.

2. Obxectivos

O obxecto do acordo consistía en establecer as bases de colaboración entre PORTOS DE GALICIA e a AXENCIA TURISMO DE GALICIA, na promoción da instalación e servizos portuarios para a náutica deportiva existente en Galicia e da actividade de turismo náutico mediante a:

- Participación conxunta no Salón "Grand Pavois 2016", Salón Náutico de París, e na Regata Illas Atlánticas . Tamén a participación de ambas entidades será conxunta no caso de se celebrar no 2016, o Salón Náutico de Ribadeo.
- Presentación de Portos de Galicia en Irlanda, en colaboración con Turespaña.
- Colaboración Publicitaria de Turismo de Galicia en Passeport Escales.
- Desenvolvemento conxunto do programa de cruceiros costeiros

A Axencia turismo de Galicia asumiu directamente con cargo os seus orzamentos os gastos destinados á presenza conxunta nas feiras de Grand Pavois e Salón Náutico de París así como da inserción publicitaria na revista Passeport Escales

Portos de Galicia financiou directamente con cargo os seus orzamentos a acción de presentación de Portos de Galicia en Irlanda, a Regata Illas atlánticas e no seu caso, a participación no Salón Náutico de Ribadeo

Para o desenvolvemento do programa de cruceiros costeiros, a Axencia Turismo de Galicia destinou o importe total de 70.000€ euros que foi obxecto de retención de crédito para a súa posterior baixa na aplicación orzamentaria 04.A2. 761 A.640.0, código de proxecto 2013 00004, dos orzamentos da Axencia Turismo de Galicia para o ano 2016.

Igualmente, procedeuse a reter ese mesmo importe, para a súa posterior baixa, na aplicación orzamentaria 04.10.761 A.732.12, código de proxecto 2015 00635, da Secretaría Xeral da Presidencia.

A oportuna retención de crédito para transferencias no orzamento da Axencia Turismo de Galicia permitiu a Portos de Galicia incrementar o crédito na partida de "Outros gastos de xestión" do orzamento de Explotación, que se destinaron a sufragar os gastos de promoción das instalacións para náutica deportiva recollidas neste acordo.

Existe converxencia de intereses entre as entidades asinantes en orden á consecución do obxecto referido. Todas as circunstancias expresadas determinan, a xuízo deste órgano de xestión, que é procedente autorizar, mediante un convenio de colaboración, as actuacións descritas a realizar.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público.

O convenio asinado non se atopa nalgún dos supostos de necesidade de autorización previa do Consello da Xunta, isto é que se trate de gastos plurianuais ou obrigas económicas para a Facenda autonómica superiores a 150.000,00 euros, conforme á Disposición adicional segunda. Autorización de convenios da Lei 1/2016 do 15 de febreiro, de transparencia e bo goberno.





En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o convenio asinado, con exclusión doutras figuras.

Santiago de Compostela,

O DIRECTOR,

-José Ignacio Villar García-

